



## کمانیسن صفة رضا

29 سیفتمبر 2017 / 9 محرم 1439

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ  
مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ  
فَلَا مُضِلَّ لَهُ، وَمَنْ يُضِلِّ فَلَا هَادِيَ لَهُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ  
سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ عَلَى  
سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ اتَّقُوا اللَّهَ أَوْ صِيكُمْ وَنَفْسِي بِتَقْوَى  
اللَّهِ فَقَدْ فَازَ الْمُتَّقُونَ.

ماريله کیت برسام ۲ منیغکتکن کتقواعتن کفد الله ﷻ  
دغن ملقساناکن سکالا فرینته دان منیغکلکن سکالا  
لارغثن. موده-مودهن کیت دبرکتی دان درحمتمی

اللَّهُ ﷻ ددنيا دان اخيرة.

سیدغ جمعة یغ درحمتی اللہ ﷻ،

ستیاف مأنسی ستیاس اکن معهادفی اوجین  
کهیدوثن سام اد کسوسهن، کسنغن، صیحة، ساکیت  
دان سباکایش. نامون کیت فرلو یقین بهاوا سمو ایت  
اداله اونتوق مندییق کیت اکر بر صبر دان رضا دغن  
کتتوان اللہ ﷻ. صفة رضا اداله اساس یغ ممبتوق  
جاتی دیری مأنسی باکی فیمثورنائن ایمان سرتا  
منجادیکن سساورغ مسلم ایت مراسائی کمانیسن  
ایمان. صفة رضا دالم منریما کتتوان اللہ ﷻ ممباوا  
کیت کفد کسمثورنائن ایمان.

قد داسرن سکاالا فریتته اللہ ﷻ سام اد یغ واجب  
اتاو ثون سنة، هندقله دکر جاکن دغن سنغ هاتی دان  
رضا. دمکین جوکی دغن لارغن ۲ اللہ ﷻ هندقله  
دجاءوهی. فرمان اللہ ﷻ دالم سورة النساء آیات 65،

أَعُوذُ بِاللَّهِ مِنَ الشَّيْطَانِ الرَّجِيمِ

فَلَا وَرَبِّكَ لَا يُؤْمِنُونَ حَتَّىٰ يُحَكِّمُوكَ فِيمَا

شَجَرَ بَيْنَهُمْ ثُمَّ لَا يَجِدُوا فِي أَنْفُسِهِمْ



حَرَجًا مِّمَّا قَضَيْتَ وَيُسَلِّمُوا تَسْلِيمًا

یغ بر مقصود: مک دمی توهنمو، مریک تیدق  
دصفتکن بر ایمان سهیغک مریک منجادیکن  
اغکاو حاکیم دالم فرسلیسیهن یغ تیمبول انتارا  
مریک کمودین مریک قولاً تیدق مراسا دهاتی  
مریک کبرتن دری اف یغ تله اغکاو حکومکن،  
دان مریک منریما کفوتوسن ایت دغن سفنوهرن.

میمغ اد دالم کالغن کیت یغ کاداعنن فقیر اتاو مسکین،  
تتافی ایت موغکین مروفاکن یغ ترباءیق باکینش درقد  
منجادی کای رای. موغکین کفقیرنن ایت، مروفاکن  
قلواغ اونتوقن ممقرباءیقی دیری دان لبیه دکت کقد  
الله، ماناکالا کمیواهن بولیه مپیکنن لالای لتس  
مروسقکن کهیدوقنن. بکیتوله جوک دغن اوچین  
ککایاعن، کصیحتن، کساکیتن، کجایاعن، ککاکلن  
دان سباکایش. اف جوک بتتوقن، کیت واجب بر ایمان  
دان رضا اتس سکالا کتنتوان الله سام اد کیت سوک

اتاو تيدق.

سيدغ جمعة يغ درحمتي الله ﷺ،

صفة رضا كقد الله ﷺ ايت ترهائي كقد دوا  
جنيس. فرتام، رضا منريما فراتورن (حكوم) الله يغ  
دتكليفكن كقد مانسي سفرتي صلاة ليم وقتو سچارا  
برجماعه، كواجيشن منجاي عورة دان سباكايش. رضا  
دالم كونتيكس اين ممباوا كقد كسمشورنآن ايمان.  
فرمان الله ﷺ دالم سورة التوبة آيات 62:

يَخْلِفُونَ بِاللَّهِ لَكُمْ لِيَرْضَوْكُمْ وَاللَّهُ وَرَسُولُهُ

أَحَقُّ أَنْ يُرْضَوْهُ إِنْ كَانُوا مُؤْمِنِينَ ﴿٦٢﴾

يغ برمقصود: مريك برسومقه دغن نام الله  
كقدامو اونتوق منچاري كريضاءنمو، قدحال  
الله دان رسولش لبيه برحق مريك منداقت  
كريضانش، جك بتول مريك اورغ يغ براييمان.

كدوا، رضا منريما كتننوان (قضاء) الله تنتغ نصيب  
ديري سام اد منداقت نعمت اتاو مصيبة سفرتي

کمالغن جالن رای یغ مپیکن کماتین اغکوتا کلوارکی  
 سهیغک تیغکل سباتغ کارا، کبکرن دان سباکایش.  
 کییاساغنث کتیک مندافت نعمت، کیت اکن منریما  
 دان برشکور. تتافی جک منریما مصیبة ائق سوکر  
 اونتوق کیت رضا دان برصبر. باکی منچاقای صفة  
 رضا کیت ثرلو ممفرقواتکن ایمان، برصفة صبر،  
 مئیغاتی دان طاعة کقد الله، مملیهارا عمل عبادہ  
 یغ واجب دان سنه سرتا منجاءوهی لارغن الله ﷻ.  
 فرمان الله ﷻ دالم سورة طه آیات 130:

فَأَصْبِرْ عَلَىٰ مَا يَقُولُونَ وَسَبِّحْ بِحَمْدِ رَبِّكَ قَبْلَ  
 طُلُوعِ الشَّمْسِ وَقَبْلَ غُرُوبِهَا وَمِنْ آنَاءِ اللَّيْلِ فَسَبِّحْ  
 وَأَطْرَافَ النَّهَارِ لَعَلَّكَ تَرْضَىٰ ﴿١٣٠﴾

یغ برمقصود: مک برصبرله اغکاو واهای  
 محمد اکن اف یغ مریک کاتاکن، دان برعبادته  
 دغن مموجی توهنمو سبلوم ماتاهاری تربیت  
 دان سبلوم تربنمنش؛ دان برعبادته قد ساعت ۲  
 دری وقتو مالم دان سبله سیاغ؛ سوقای اغکاو

مندافت کریضانش.

سیدغ جمعة یغ درحمتی الله ﷻ،

اونتوق مندافت کمانیسن صفة رضا، مک انتارا لثکه  
یغ دسارنکن ایاله:

قرتام، متمعملکن صفة قنَاعَة یاءیت برقواس هاتی  
دغن اف یغ اد ترهادف نعمت یغ دبریکن اولیه الله  
ﷻ.

کدوا، متمعملکن سیکف مُجَاهَدَة النَّفْس یاءیت  
مغاول کایغینن نفسو اکر کیت سنتیاس استقامه دالم  
ملاکوکن کطاعتن دان عباده کفد الله ﷻ.

کتیک، سلالو ملیهت کفد اورغ یغ لیه سوسه درفد  
کیت.

کامفت، ممقربایق دعا دان مرندهکن دیری کفد الله  
ﷻ اکر دکورنیاکن کیت صفة رضا.

سسوغکوهش، صفة رضاکن ملافثکن جیوا، برسغک  
باعیق ترهادف اورغ لاین، جاءوه درفد صفة مذمومة  
سقرتی ایری هاتی، حسد دغکی دان طمع هلوبا.

اوليه ايت، صفة رضا منداتگن کتغن روحاني دان  
 جسماني کفد مأنسي. الله ﷻ اکن ممبري کنجرن  
 شرک کفد اورغ یغ رضا داتس اوجین یغ دبیریکن.  
 فرمان الله ﷻ دالم سورة التَّوْبَةِ آيات 59:

أَعُوذُ بِاللَّهِ مِنَ الشَّيْطَانِ الرَّجِيمِ

وَلَوْ أَنَّهُمْ رَضُوا مَا آتَاهُمُ اللَّهُ وَرَسُولُهُ وَقَالُوا  
 حَسْبُنَا اللَّهُ سَيُؤْتِينَا اللَّهُ مِنْ فَضْلِهِ وَرَسُولُهُ  
 إِنَّا إِلَى اللَّهِ رَاغِبُونَ

یغ برمقصود: دان کالاو مریک برقواس هاتی  
 دغن اف یغ دبیریکن اولیه الله دان رسولن کفد  
 مریک، سمبیل مریک برکات: چوکوفله الله باکی  
 کامی؛ الله اکن ممبري کفد کامی دری لیمفه  
 کورنیاش، دمکین جوک رسولن؛ سسوغکوهش  
 کامی ستیاس برهارف کفد الله.

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ  
 بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ

تِلَاوَتُهُ إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ  
الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ،  
فَأَسْتَغْفِرُوهُ فَيَا فَوْزَ الْمُسْتَغْفِرِينَ وَيَا نَجَاةَ التَّائِبِينَ.